

Në bazë të nenit 186, të Ligjit për arsim të lartë ("Gazeta Zyrtare e Republikës së Maqedonisë, numër 82/2018) dhe nenit 27, paragrafit 1, pikës 6 dhe nenit 110, të Statutit të Universitetit të Evropës Juglindore, Bordi i Universitetit, në mbledhjen e mbajtur më 9.09.2019, e miratoi këtë:

RREGULLORE PËR PUSHIM AKADEMIK (SABBATICAL)

I. Objekti i rregullimit

Neni 1

Çdo anëtar i stafit akademik me thirrje mësimore shkencore dhe thirrje shkencore, që është i punësuar më gjatë se një vit me kontratë pune, ose me titull bashkëpunëtor/profesional, që është i punësuar më gjatë se tre vite me kontratë pune, ka të drejtë të aplikojë për pushim të shkurtër deri në një muaj, për pushim të shkurtër nga një muaj deri në një vit, apo për pushim të gjatë *sabbatical*.

II. Kohëzgjatja e pushimit akademik

Neni 2

Pushimi i shkurtër *sabbatical* që zgjat më tepër se një javë dhe më pak se një muaj, mund të përdoret nga stafi akademik për zhvillim afatshkurtër profesional akademik, ligjërime vizitues afatshkurtër në universitete jashtë vendit, ose pjesëmarrje në bashkëpunime ndërkombëtare.

III. Dispozitat financiare

Neni 3

- (1) Në raste të shfrytëzimit të pushimit të shkurtër *sabbatical*, Universiteti do t'i paguajë anëtarit të stafit akademik 70% nga rroga bazë neto dhe të gjitha kontributet në këtë shumë për aq sa zgjat pushimi i shkurtër *sabbatical*, nëse ky pushim nuk është pjesë e ndonjë projekti ose financimi nga fonde të jashtme.
- (2) Numri i stafit akademik në departamentet akademike, që mund të përfitojë nga kjo dispozitë brenda një viti akademik, planifikohet në pajtim me kufizimet buxhetore.

Neni 4

Pushimi i shkurtër *sabbatical* mund të përdoret nga stafi akademik për zhvillim profesional akademik si: hulumtimi shkencor, specializimi, cikli i tretë i studimeve apo studime postdoktorate, të cilët mund të zgjatin nga një muaj deri në një vjet.

IV. Mënyra e shfrytëzimit të pushimit akademik

Neni 5

- (1) Në raste të shfrytëzimit të pushimit të shkurtër *sabbatical*, Universiteti do t'i paguajë anëtarit të stafit akademik 1/3 nga rroga bazë neto dhe të gjitha kontributet në këtë shumë për aq sa zgjat pushimi i shkurtër *sabbatical*, nëse ky pushim nuk është pjesë e ndonjë projekti ose financimi nga fonde të jashtme.
- (2) Në raste të shfrytëzimit të pushimit të shkurtër *sabbatical* në programet e Fullbright, Universiteti, do t'i paguajë anëtarit të stafit akademik deri në 50% nga rroga bazë neto dhe të gjitha kontributet në këtë shumë për aq sa zgjat pushimi i shkurtër *sabbatical*, nëse ky pushim nuk është pjesë e ndonjë projekti ose financimi nga fonde të jashtme.
- (3) Numri i stafit akademik në departamentet akademike që mund të përfitojë nga kjo dispozitë brenda një viti akademik planifikohet në pajtim me kufizimet buxhetore.

Neni 6

Anëtarët e stafit akademik të Universitetit mund të aplikojnë për pushim të gjatë *sabbatical* për zhvillimin akademik profesional, si: hulumtimi shkencor, specializimi, cikli i tretë i studimeve apo studime postdoktorate, të cilët mund të zgjatin deri në tre vjet dhe deri në katër vjet për studimet e doktoratës në SHBA.

Neni 7

- (1) Në rastet e pushimit të gjatë *sabbatical* deri në tre vjet, anëtari i stafit akademik nuk do të pranojë kompensim mujor, ose pagesën e kontributeve.
- (2) Universiteti garanton rivendosjen e marrëdhënieve të punës pas përfundimit të pushimit të gjatë *sabbatical*, edhe pse mund të mos i këtë të njëjtat detyra specifike, ose të njëjtën pozitë.
- (3) Numri i anëtarëve të stafit akademik në njësitë akademike që përfitojnë nga kjo dispozitë e kësaj rregulloreje nuk është i kufizuar, por merret në konsideratë funksionimi efikas i njësisë akademike.

Neni 8

- (1) Pas shfrytëzimit të pushimit të shkurtër, ose të gjatë *sabbatical*, anëtari i stafit akademik është i obliguar të punojë në Universitet për një periudhë prej së paku pesë viteve.
- (2) Nëse anëtari i stafit akademik zgjedh të largohet nga Universiteti pa u kryer kjo periudhë, Universiteti do t'i kompensojë harxhimet nga ai.

Neni 9

- (1) Anëtarët e stafit akademik mund ta shfrytëzojnë të drejtën e tyre për pushim *sabbatical* për një periudhë njëvjeçare, një herë brenda pesë vjetëve.
- (2) Anëtarët e stafit akademik mund ta shfrytëzojnë të drejtën e tyre për pushim *sabbatical* për një periudhë trevjeçare një herë brenda dhjetë viteve.
- (3) Përjashtim nga paragrafët një dhe dy të këtij neni, janë rastet kur anëtarët e stafit akademik, që do të ndjekin zhvillimin akademik profesional, si: hulumtim shkencor, specializim, ciklin e tretë të studimeve, apo studime postdoktorate në një nga top

100 universitet sipas renditjes në *Jiao Tong University*, ose *US News and Report apo Times Higher Education Supplement –World University Ranking*.

Neni 10

- (1) Përzgjedhjen preliminare, të kërkesave të dorëzuara nga stafi akademik në fakultet, do ta bëjë dekani/drejtori, në pajtim me planet dhe nevojat e njësisë akademike përkatëse.
- (2) Në bazë të propozimit të dekanit/drejtorit të njësisë përkatëse akademike, vendimi përfundimtar do të merret nga Drejtoria Rektoriale.
- (3) Për operimin e kësaj Rregulloreje, Universiteti do të përpilojë procedurë të veçantë me hapa konkrete për pushim *sabbatical*.

V. Dispozitat përfundimtare

Neni 11

Kjo rregullore hyn në fuqi më 01.10.2019.